

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **78 (2016)**

Heft 6: **Berufswahl**

PDF erstellt am: **21.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Els am peglian serious

«Juhe, Viola vign!», uscheia tungigl tigls scolars dall'amprema classa. Viola, chegl è per els la practicanta tg'igls accompogna ed instruescha las proximas tschintg emdas. Viola Poltera ò 23 onns ed è carscheida se a Tinizong. Per ella è la scola primara da Savognin betg ensatge nov. Gio avant dus onns, scu er l'antschatta da chest onn da scola, ò Viola Poltera frequento en practicum ainten la scola primara Surses.

ZEGNA PITTET-DOSCH



Igl è sa mido – u ella è sa midada

Igl ampren practicum ò Viola Poltera fatg tar ena terza classa dalla scola Surses, chegl durant igl sies ampren onn da studi ainten la scol'ota da pedagogia a Coira. Ella seia stada schinigeida e malfranca, uscheia Viola Poltera sa regurdond digls sies ampren practicum. Er vegia ella gia da dumandar ple u manc tot alla persunga d'instrucziun dalla practica. Cumparaglea cun chel practicum avant dus onns vegia ella chest settember ed otgover gio pudia planisar bler cun mang liber. Per exaimpel vegia ella pudia tscherner igl

tema da realias e cò vegia ella panso da far en'amprova cun la lavour libra. Per ella seia chegl sto ensatge nov ed er per las scholaras ed igls scolars dalla quarta classa. Uscheia seigl betg propi sa verifitgia chegl tg'ella vegia amprandia tgi la lavour libra monta blera lavour da preparaziun e persiva vegia la persunga d'instrucziun daple peda per observar durant las lecziuns. Chegl seia digl totfatg betg sto igl cass, durant las lecziuns vegia ella raspundia a bleras dumondas e gido. Tuttegna vegian igls unfants gia plascheir dalla lavour libra e vegian er luvro stupent.

Chegl tg'ella dei vala er

Allas differentas scholaras ed agls differents scolars dalla scola Surses fò Viola Poltera en bel cumplimaint. Ella seia gio la terza gEDA ainten chella scola e gio da bel'antschatta seia ella neida pigleida seriousa. Per exaimpel sch'ella scheia ensatge agls scolars peglian chels er a cor chegl ed i seian scolars angascheas e tgi viglian amprender ensatge. Ansasez seigl flot da puspe turnar agl madem li da practicum, simplamaintg sen en nov scalem. Cun esser gio la terza gEDA ainten chel menaschi da scola canoscha Viola Poltera gio l'organisaziun anturn ed anturn, scu er las otras persungas d'instrucziun. Ensatge oter spezial è francamaintg tgi la sora pi viglia da Viola Poltera instruescha er ainten la scola Surses. En avantatg seia tg'ella possa adegna dumandar alla sia sora per la si'opiniun. Pero dall'otra vart stoptga ella er far adatg da betg dumandar tot alla sia sora anstagl alla persunga d'instrucziun dalla practica.

Bagn liia è mez mano

Durant en'emda avant igl practicum on las studentas ed igls students igl taimp ed igl sustign, schi giaveischan, per preparar igls practicums. A Viola Poltera ògl plaschia fitg bagn tgi chest aton è nia sen viseta en scolast dalla Nagiadegna tg'ò musso egn tar egn scu tg'el individualisescha. Chegl seia sto stupent, betg angal teoria, mabagn exact scu tgi seia nia fatg, cun chegl tgi seia gartagea ed er chegl tg'ins pudess far migler. Ansomma è Viola Poltera cuntainta scu tg'ella vign accompagneda dalla scol'ota da pedagogia an risguard digls practicums. Ad ella dettigli er en bung sentimaint tg'ella vegia cun igl sies mentour ena persunga da contact tgi la purschess mang an situaziuns difficilas.